

## *D'r HERBSCHT*

Lòngsòòm wèrd's Hèrbscht, die Èrnt ìsch ìn vollem Gòng;  
Krùmmbèèrè ùnn die Trùùwel Èrnt hatt òngefong;  
Die Sùnn erhitzt noch die Lòndschaft ùnn die Gémieder;  
Sitzt bisòmmè und singt die schééne Alde Lieder.

Die Naddùr zeiht sisich in ìhrer voller Fààrwepracht;  
Die Bääm sinn grùnn brùnn gòld; ròot wèrre'se iwwer Nacht;  
Wald, unn Nadùr, zeije ihr schéénes Hèrbscht Gewònd;  
Wie e Gemälde sò schéén leiht's dòò unser Lònd.

Kirwe, Èrnte ùnn Winnféschdder wèrre géfiert;  
Der Quétschekùche vòn der Omma prépariert ;  
Es Obst ùnn Pilze gedrùggelt, ùnn inn gemacht ;  
Die Jäger ùnn Triewer trèffe sisich jétzt fir die Jacht.

Der Wind wèrd jétzt stirmmisch, ùnn macht als digge Bagge;  
Blòòst stark, umm die Blätter von de Bääm falle mache ;  
Gèischdderhàft kààl schdéhn jétzt die friher sòò Stolze Bääm;  
Nass vom Stùrm gònz verbòòh, schdéhn se jétzt dò im Rèèn.

Lòngsòòm géht der Altweijwersùmmer jétzt errùm;

In de mèischdde Hieser brennt jetzt die Heizùng schùnn;

Dischdder Nèwwel sich géschpènzderisch brèèt jetzt macht;  
Ball isch der Herbscht erùmm, donn kùmmt die Winterpracht.

**Edgard BUND**